

**Aningaasaqarnermut Ataatsimiititaliap suliaq nr. 01.31.06/08-00394 pillugu arfinin-
ngornermi ulloq 13. december 2008-mi aalajangiinera pillugu Naalackersuisunut
ilisimatitsineq**

(Naalackersuisut ulloq 8. december 2008-mi ataatsimiinneranni imm. 2b)

Qitiusumik allaffeqarfimmi elevatormik pisinissaq

Naalackersuisut **inassutigaat**,

kontomi pingaarnermi 80.00.01-imi, Nuussinissanut sillimmatinut tunngasumi aningaasaliissutit 1.500.000 koruuninik ikilisinneqassasut.

kontomi pingaarnermi 70.10.04-mi, Namminersornerullutik Oqartussat illuutaannik aserfallatsaaliuinermit tunngasumi aningaasaliissutit 1.500.000 koruuninik amerlineqassasut.

Aningaasaqarnermut Ataatsimiititaliap oqaaseqaatai

Qitiusumik allaffeqarfimmi elevatormik pisinissamut 1.500.000 kr.-it atorineqarnissaat Naalackersuisut qinnutigaat.

Taamaattorli Aningaasaqarnermut Ataatsimiititaliap isumaqarpoq nutaanik aningaasaliissutissanik qinnuteqaatit *pingaaruteqartuunissaannik aamma siumut naatsorsoruminaatsuunissaannik* kiisalu tulliani aningaasanut inatsisip akuerineqarnissaanut utaqqissunneqarsinnaannginnissaannik Missingersuusiornermi inatsisimmi piumasaqaataasut aningaasaliinissamut qinnuteqaat naapertuutinngilluinnartoq.

Aammattaq siunertap siuarsarneqarnissaa Naalackersuisunit kissaatigineqarsimappat siunertaq 2009-mi aningaasanut inatsimmut ilanngunneqarsimassagaluartoq Aningaasaqarnermut Ataatsimiititaliap isumaqarpoq.

Konto pingaarneq 70.01.04 *Qitiusumik allaffeqarfimmi illuutit aserfallatsaalineri* aningaasaliisoqarnissaa siunnersuutigineqarpoq, kontomi pingaarnermi oqaasertaliussat innersuussutigineqarlutik, tamatumani aningaasanik atunngitsuukkanik ukiumut tulliuuttumut aningaaliiffiusumut nuussinissamut Naalackersuisut piginnaatinneqarlutik. Tamanna Naalackersuisunit naapertuuttutut isigineqarpoq, aningaasat qinnutigineqartut 2008-mi tamakkerlugit atorineqarnissaat periarfissaqassanngimmat. Taamaalilluni aallaqqaammut sanaartornermut aningaasaliissutinut aningaasaliinissaq pisariaqanngilaq. Taamaattorli teknikkkut aningaasaleeriaaseq isiginiassagaanni *soqutaanngilaq* konto pingaarnermut sorlermut aningaasaliisoqartarnersoq inaarutaasumik inerniliussaq taamaaginnarpat, taamaanneranilu aningaasat ukiumi missingersuusiorfiusumi atorineqarsinnaannginnerat pissutigalugu immikkoortinneqarsinnaammata.

Taamaattumik eqqaqquneqassaaq AIS09-p, AIS08-p, AIS09-p, AIS07-p, AIS06-II-p, AIS05-p aamma AIS04-p aappassaaneerineqarnissaannut isumaliutissiissutit suliarineqarnerannut atatillugu kaammattuut una Aningaasaqarnermut ataatsimiititaliamit saqqummiunneqarmat:

Kaammattuut nr. 7

Aningaasat Sanaartugassanut Iluarsagassanullu Aningaasaateqarfimmi atorineqaratik uninngaannartussaasut ilisimagaluarlugu aningaasanik akuersissutiginnittoqartaqqu-nagu sanaartugassanut aningaasaliissutinik atuinissamik **piviusorsiortumik** missingersuusiortarnissamik qulakkeerinninniarnerminnik Naalackersuisut ingerlatsiinnarnissaat Aningaasaqarnermut Ataatsimiititaliamit **kaammattuutigineqarpoq**.

Taamaalilluni eqqornerussagaluarpoq Naalackersuisut suliniummut AI2009-mut ilanngus-simasuuppata, taamaalilluni suliuniutip aallarnisarneranut pilersaarusioneranulluunniit

aningaasanik qinnuteqarnissaq taamaallaat pisariaqarluni.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqarsinnaangillat.**

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua